

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
PREDSTAVNIČKI/ZASTUPNIČKI DOM  
*Komisija za jednakopravnost spolova/  
Povjerenstvo za jednakopravnost  
spolova*



БОСНА И ХЕРЦЕГОВИНА  
ФЕДЕРАЦИЈА БОСНЕ И ХЕРЦЕГОВИНЕ  
ПАРЛАМЕНТ ФЕДЕРАЦИЈЕ  
ПРЕДСТАВНИЧКИ ДОМ  
*Комисија за једнакоправност сполова*

BOSNIA AND HERZEGOVINA  
FEDERATION OF BOSNIA AND HERZEGOVINA  
PARLIAMENT OF THE FEDERATION  
HOUSE OF REPRESENTATIVES

Bosna i Hercegovina  
Federacija Bosne i Hercegovine  
**PARLAMENT FEDERACIJE  
SARAJEVO**

Broj: 01/10-02-185/24  
Datum: 22.01.2024. godine

Primijeno: 24-01-2024			
Org. jed.	Broj	Priloga	Vrijednost

**PREDSTAVNIČKOM DOMU  
PARLAMENTA FEDERACIJE BIH**

Komisija za jednakopravnost spolova Predstavničkog doma Parlamenta Federacije BiH (u daljnjem tekstu: Komisija) na 10. sjednici, održanoj 22.01.2024. godine, razmatrala je sljedeći dnevni red:

1. Zapisnik Tematske sjednice Komisije “Ekonomija brige i neplaćeni rad žena”,
2. Zaključci Tematske sjednice Komisije “Ekonomija brige i neplaćeni rad žena”
3. Tekuća pitanja.

Na osnovu člana 44. a u vezi sa članom 66. Poslovnika Predstavničkog doma Parlamenta Federacije Bosne i Hercegovine, Komisija Predstavničkom domu podnosi sljedeći:

### IZVJEŠTAJ

#### **Ad-1 Usvajanje zapisnika Tematske sjednice Komisije “Ekonomija brige i neplaćeni rad žena”**

Zapisnik Tematske sjednice Komisije, održane 29.11.2023. godine, jednoglasno je usvojen bez primjedbi.

#### **Ad-2. Zaključci Tematske sjednice Komisije “Ekonomija brige i neplaćeni rad žena”**

Predsjednica Komisije je dala uvodna obrazloženja i informisala ostale članove i članice da je prijedlog sljedećih zaključaka sa Tematske sjednice dostavljeni svim članovima i članicama:

#### **- ZAKLJUČCI:**

1. Predstavnički dom Parlamenta Federacije BiH zadužuje Vladu Federacije BiH da u budžetu Federacije BiH obezbjedi sredstva za ciljane medijske kampanje o pravima i uslugama za osobe sa invaliditetom i starije osobe koje ostvaruju prava propisana

zakonom, a sve u cilju transparentnosti i dobre informisanosti građana. Također, dati preporuku i nižim nivoima vlasti za ove aktivnost.

2. Zadužuje se Federalno ministarstvo rada i socijalne politike da u saradnji sa nižim nivoima vlasti pristupi izradi **mape prava i usluga** u sistemu socijalne zaštite građana uz kontinuirano ažuriranje podataka i transparentno plasira informacije o tome u javnom prostoru. Mapa prava i usluga u sistemu socijalne zaštite predstavlja sveobuhvatan resurs prava i usluga i procedura namjenjenih za poboljšanje života osoba sa invaliditetom i starijih osoba kao i unapređenje ekonomskih prilika za žene u Federaciji BiH koje velikim dijelom obavljaju posao pružanja njege i pomoći navedenim licima.
3. Komisija za jednakopravnost spolova podržava donošenje Zakona o socijalnim uslugama kroz koji će biti riješena važna otvorena pitanja za poboljšanje položaja posebno osjetljivih kategorija stanovništva ali i stvorene mogućnosti za upošljavanje kategorija nekonkurentnih na tržištu rada, te predlaže Federanom ministarstvu rada i socijalne politike da isti dostavi u parlamentarnu proceduru u što kraćem roku.

Uslijedila je diskusija, te je usvojen sljedeći:

#### ZAKLJUČAK

Komisija za jednakopravnost spolova će prijedlog usvojenih zaključaka sa Tematske sjednice dostaviti rukovodstvu Predstavničkog doma sa zahtjevom da se isti uvrste na 9. redovnu sjednicu Predstavničkog doma, zakazanu za 24.01.2024. godine kako bi se o njima mogao izjasniti Predstavnički dom Parlamenta Federacije BiH.

#### **Ad-5. Tekuća pitanja**

U okviru ove tačke dnevnog reda predsjednica je predložila da Komisija za jednakopravnost spolova treba usvojiti plan i program rada za 2024. godinu, te pozvala sve članove i članice da dostave svoje prijedloge i pitanja koji bi trebali biti fokus rada Komisije u tekućoj godini. Ovaj prijedlog predsjednice podržale su ostale članice.

Također, u sklopu ove tačke dnevnog reda članice Komisije su diskutirale i o pristiglom zastupničkom pitanju upućenom Komisiji od strane zastupnice u Skupštini Unsko-sanskog kantona, a koje se odnosi na Zakon o zaštiti od nasilja u porodici. Usvojen je zaključak da se navedeno zastupničko pitanje proslijedi Federalnom ministarstvu pravde, budući da Federalno ministarstvo pravde vodi proces oko izrade prijedloga navedenog zakona.

U skladu sa članom 53. Poslovnika Predstavničkog doma za izvjestiteljicu je određena Alma Kratina, predsjednica Komisije.

PREDSJEDNICA KOMISIJE  
Alma Kratina, s.r.